

**Fondi i Pensionit Privat me Pjesëmarrje të Hapur Smart Pension  
ALBSIG INVEST Sh.a.**

**Pasqyrat financiare  
më dhe për vitin e mbyllur më 31 dhjetor 2025**

**me raportin e Audituesit të Pavarur**

## Përmbajtja

|                                                                            | <b>Faqe</b>  |
|----------------------------------------------------------------------------|--------------|
| <b>Raporti i audituesëve të pavarur</b>                                    | <b>i-iii</b> |
| <b>Pasqyra financiare:</b>                                                 |              |
| Pasqyra e pozicionit financiar                                             | 1            |
| Pasqyra e fitim ose humbjeve dhe e të ardhurave të tjera gjithëpërfshirëse | 2            |
| Pasqyra e flukseve monetare                                                | 3            |
| Pasqyra e ndryshimeve në aktivet neto                                      | 4            |
| Shënime për pasqyrat financiare                                            | 5 – 17       |
| Skedulet suplementare                                                      | I            |



RSM ALBANIA  
Rr.Skender Luarasi, sheshi  
Gjenerall  
Jozef San Martin, Pallati 3Hyrja 19,  
Tiranë, Shqipëri  
T:+355 69 706 6110  
[www.rsm.global/albania](http://www.rsm.global/albania)

## RAPORTI I AUDITUESIT TË PAVARUR

Për Drejtimin e Fondit të Pensionit Privat me Pjesëmarrje të Hapur "Smart Pension" ALBSIG INVEST Sh.a dhe Shoqërinë Administruese të Fondeve të Pensionit Privat dhe Sipërmarrjeve të Investimeve Kolektive Albsig Invest Sh.a.

### Opinion

Ne kemi audituar pasqyrat financiare të Fondit të Pensionit Privat me Pjesëmarrje të Hapur "Smart Pension" ALBSIG INVEST Sh.a ("Fondi"), që përfshijnë pasqyrën e pozicionit financiar më datë 31 dhjetor 2025, si dhe pasqyrën e fitimit ose humbjes dhe të ardhurave të tjera gjithëpërfshirëse, si dhe pasqyrën e ndryshimeve në kapital dhe të fluksit të mjeteve monetare për vitin e mbyllur në atë datë, si edhe shënimet për pasqyrat financiare, përfshirë një përmbledhje të politikave kontabël materiale.

Sipas opinionit tonë, pasqyrat financiare bashkëlidhur paraqesin drejt, në të gjitha aspektet materiale, pozicionin financiar të Fondit më 31 dhjetor 2025, dhe performancën financiare dhe fluksin e mjeteve monetare për vitin që mbyllet në këtë datë, në përputhje me Standardet Ndërkombëtare të Raportimit Financiar (SNRF).


### Baza për opinionin

Ne kemi kryer auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku jepen Përgjegjësitë e Audituesit për Auditimin e Pasqyrave Financiare. Ne jemi të pavarur nga Fondi në përputhje me Kodin Ndërkombëtar të Etikës për Profesionistët Kontabël të Bordit të Standardeve Ndërkombëtare të Etikës të Kontabilistëve Profesionistë (duke përfshirë Standardet Ndërkombëtare të Pavarësisë) (Kodi i BSNEKP) së bashku me kërkesat etike që janë të zbatueshme për auditimin e pasqyrave financiare në Shqipëri, dhe kemi përmbushur përgjegjësitë e tjera etike në përputhje me këto kërkesa dhe me Kodin BSNEKP.

Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.

### THE POWER OF BEING UNDERSTOOD ASSURANCE | TAX | CONSULTING

RSM Albania SH.P.K is part of the RSM network and trades as RSM. RSM is the trading name used by the members of the RSM network. Each member of the RSM network is an independent accounting and consulting firm, which practices in its own right. The RSM network is not itself a separate legal entity in any jurisdiction.



## Përgjegjësitë e Drejtimit dhe të Personave të Ngarkuar me Qeverisjen në lidhje me Pasqyrat Financiare

Drejtimi është përgjegjës për përgatitjen dhe paraqitjen e drejtë të pasqyrave financiare në përputhje me SNRF-të, dhe për ato kontrole të brendshme, që Drejtimi i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Në përgatitjen e pasqyrave financiare, drejtimi është përgjegjës për të vlerësuar aftësinë e Fondit për të vazhduar në vijimësi, duke dhënë informacion, nëse është e zbatueshme, për çështjet që kanë të bëjnë me vijimësinë dhe duke përdorur parimin kontabël të vijimësisë përveç se në rastin kur drejtimi synon ta likuadojë Fondin ose të ndërpresë aktivitetet, ose nëse nuk ka alternativë tjetër reale përveç sa më sipër.

Ata që janë të ngarkuar me qeverisjen janë përgjegjës për mbikëqyrjen e procesit të raportimit financiar të Fondit.


## Përgjegjësitë e Audituesit për Auditimin e Pasqyrave Financiare

Objektivat tona janë të marrim siguri të arsyeshme nëse pasqyrat financiare në tërësi nuk kanë anomali materiale, për shkak të mashtrimit apo gabimit, dhe të lëshojmë një raport auditimi që përfshin opinionin tonë. Siguria e arsyeshme është një siguri e nivelit të lartë, por nuk është një garanci që një auditim i kryer në përputhje me SNA-të do të identifikojë gjithmonë një anomali materiale kur ajo ekziston.

Anomali të mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme të influencojnë vendimet ekonomike të përdoruesve, të marra bazuar në këto pasqyra financiare.

Si pjesë e një auditimi në përputhje me SNA-të, ne ushtrojmë gjykimin profesional dhe mbajmë skepticizëm profesional gjatë auditimit. Ne gjithashtu:

- Identifikojmë dhe vlerësojmë rrezikun e anomalive materiale të pasqyrave financiare, qoftë për shkak të mashtrimit apo gabimit, projektojmë dhe kryejmë procedurat e auditimit që i përgjigjen këtyre rreziqeve, dhe marrim evidencat auditimi të mjaftueshme dhe të përshtatshme për të bazuar opinionin tonë. Rreziku i mos zbulimit të një anomalie materiale që rezulton nga mashtrimi është më i lartë sesa një që rezulton nga gabimi, pasi mashtrimi mund të përfshijë marrëveshje të fshehtë, falsifikim, mosdhënie e vetëdijshme e gjithë informacionit, keq-përfaqësim, apo shkelje të kontrollit të brendshëm.
- Marrim një kuptim të kontrollit të brendshëm të lidhur me auditimin me qëllim hartimin e procedurave të auditimit të cilat janë të përshtatshme për rrethanat, por jo për qëllimin e shprehjes së një opinionimi mbi efektivitetin e kontrollit të brendshëm të Fondit.
- Vlerësojmë përshtatshmërinë e politikave kontabël të përdorura dhe arsyeshmërinë e përlogaritjeve kontabël dhe informacioneve të lidhura shpjeguese të bëra nga drejtimi.
- Duke u bazuar në evidencat e auditimit, nxjerrim përfundime mbi përshtatshmërinë e përdorimit nga ana e drejtimit të parimit të vijimësisë si bazë kontabël, nëse ekziston një pasiguri materiale në lidhje me ngjarjet ose kushtet që mund të hedhin dyshime domethënëse në aftësinë e Fondit për të vazhduar në vijimësi. Nëse arrijmë në përfundimin se një pasiguri materiale ekziston, ne jemi të detyruar të tërheqim vëmendjen në raportin tonë të auditimit tek informacionet shpjeguese të pasqyrave financiare ose nëse këto informacione shpjeguese janë të pamjaftueshme, të ndryshojmë opinionin tonë. Përfundimet tona të auditimit bazohen në evidencat e auditimit të marra deri në datën e raportit tonë të auditimit. Megjithatë, ngjarje ose kushte të ardhshme mund të shkaktojnë që Fondi të ndalojë së vazhduari në vijimësi.



- Vlerësojmë prezantimin e përgjithshëm, strukturën dhe përmbajtjen e pasqyrave financiare, duke përfshirë informacionet shpjeguese të dhëna, dhe nëse pasqyrat financiare paraqesin veprimet dhe ngjarjet e ndodhura në mënyrë që të arrijnë një prezantim të drejtë.

Ne komunikojmë me Drejtimin dhe personat e ngarkuar me qeverisjen e Fondit, përveç të tjerave, lidhur me qëllimin dhe kohën e auditimit dhe gjetjet e rëndësishme të auditimit, përfshirë ndonjë mangësi të rëndësishme në kontrollin e brendshëm që ne mund të identifikojmë gjatë auditimit.

### Raport për Informacione të Tjera

Informacione të tjera përfshijnë informacione përgatitur ne përputhje me Ligjin Nr. 25/2018 Për Kontabilitetin dhe Pasqyrat Financiare, përveç pasqyrave financiare dhe këtij raporti të audituesit. Drejtimi është përgjegjës për informacionet e tjera. Informacionet e tjera të Fondit për vitin 2025 pritet të na vihen në dispozicion pas datës së këtij raporti të audituesit. Opinioni ynë mbi pasqyrat financiare nuk mbulon informacionet e tjera dhe ne nuk shprehim ndonjë lloj konkluzioni që jep siguri në lidhje me këto informacione. Në lidhje me auditimin tonë të pasqyrave financiare, ne kemi përgjegjësinë të lexojmë informacionet e tjera të identifikuara më lart kur ato të na vihen në dispozicion dhe të vlerësojmë nëse këto informacione kanë inkoherenca materiale me pasqyrat financiare apo me njohjen që ne kemi marrë gjatë auditimit ose përndryshe, nëse duket se ato janë me gabime materiale. Nëse bazuar në punën e kryer ne arrijmë në përfundimin se këto informacione përmbajnë gabime materiale, atëherë ne duhet të raportojmë për këtë fakt.

Elona Bisha

Auditues Ligjor

RSM Albania

Tiranë, 30 prill 2026



**ALBSIG INVEST SHA****FONDI I PENSIONIT PRIVAT ME PJESËMARRJE TË HAPUR SMART PENSION**

Pasqyra e Pozicionit Financiar për vitin që mbyllet më 31 dhjetor 2025

(Shumat në Lek, përveç nëse shprehet ndryshe)

|                                                  | Shënime | 31 dhjetor 2025    | 31 dhjetor 2024   |
|--------------------------------------------------|---------|--------------------|-------------------|
| <b>Aktivët</b>                                   |         |                    |                   |
| Paraja dhe ekuivalentet e saj                    | 5       | 17,313,914         | 6,651,384         |
| Aktive financiare me kosto të amortizuar         | 6       | 119,713,989        | 55,857,571        |
| Të tjera llogari të arkëtueshme                  | 6       | 2,446,054          | 1,449,129         |
| <b>Totali i aktiveve</b>                         |         | <b>139,473,957</b> | <b>63,958,084</b> |
| <b>Detyrimet</b>                                 |         |                    |                   |
| Të pagueshme ndaj Shoqërisë Administruese        | 7       | 138,081            | 76,021            |
| Detyrime të tjera                                |         | 26,452             | 3,300             |
| <b>Totali i detyrimeve</b>                       |         | <b>164,533</b>     | <b>79,321</b>     |
| <b>Aktivët neto që i atribuohen mbajtësve të</b> |         | <b>139,309,424</b> | <b>63,878,763</b> |
| Numri i kuotave të emtuara                       |         | 120,252            | 57,926            |
| <b>Aktivët neto ndaj një kuote</b>               |         | <b>1,158</b>       | <b>1,103</b>      |

Pasqyrat financiare aprovuan, më 30 prill 2026 dhe u firmosën nga:

**Z. Irfan LAMI**

Drejtor Finance

Albsig Sh.a

Shënimet shpjeguese në faqet 5-17 janë pjesë e pandarë e këtyre pasqyrave financiare.

**Z. Elton KORBI**

Administrator i Përgjithshëm

Albsig Invest Sh.a



**ALBSIG INVEST SHA****FONDI I PENSIONIT PRIVAT ME PJESËMARRJE TË HAPUR SMART PENSION**

Pasqyra e fitim humbjes dhe të ardhurave të tjera gjithëpërfshirëse për vitin që mbyllet më 31 dhjetor 2025

(Shumat në Lek, përveç nëse shprehet ndryshe)

|                                                                                     | Shënime | Për vitin e<br>mbyllur më<br>31 dhjetor 2025 | Për vitin e<br>mbyllur më<br>31 dhjetor 2024 |
|-------------------------------------------------------------------------------------|---------|----------------------------------------------|----------------------------------------------|
| Të ardhura nga interesi i aktiveve financiare me kosto të amortizuar                | 8       | 6,336,750                                    | 2,602,010                                    |
| Të ardhura nga interesi i depozitave                                                | 8       | 174,315                                      | 49,550                                       |
| Të ardhura nga shitja & maturimi i instrumenteve financiare dhe të ardhura të tjera | 8       | 138                                          | 102                                          |
| <b>Totali i të ardhurave</b>                                                        |         | <b>6,511,203</b>                             | <b>2,651,662</b>                             |
| <b>Shpenzimet</b>                                                                   |         |                                              |                                              |
| Tarifa e Shoqërisë së Administrimit                                                 | 9       | 1,408,780                                    | 573,265                                      |
| Shpenzime të tjera                                                                  |         | 72,159                                       | 88                                           |
| <b>Totali i shpenzimeve</b>                                                         |         | <b>1,480,939</b>                             | <b>573,353</b>                               |
| <b>Të ardhura neto</b>                                                              |         | <b>5,030,264</b>                             | <b>2,078,309</b>                             |
| Amortizimi i primit të aktiveve me kosto të amortizuar                              | 6, 8    | (91,557)                                     | (18,959)                                     |
| <b>Rritja në aktivet neto që i atribuohen mbajtësve të kuotave</b>                  |         | <b>4,938,707</b>                             | <b>2,059,350</b>                             |

Shënimet shpjeguese në faqet 5-17 janë pjesë e pandarë e këtyre pasqyrave financiare.

**ALBSIG INVEST SHA****FONDI I PENSIONIT PRIVAT ME PJESËMARRJE TË HAPUR SMART PENSION**

Pasqyra e flukseve të parasë për vitin që mbyllet më 31 dhjetor 2025

(Shumat në Lek, përveç nëse shprehet ndryshe)

|                                                             |          | <b>Për vitin e<br/>mbyllur më<br/>31 dhjetor 2025</b> | <b>Për vitin e<br/>mbyllur më<br/>31 dhjetor 2024</b> |
|-------------------------------------------------------------|----------|-------------------------------------------------------|-------------------------------------------------------|
| <b>Rrjedha e parasë nga aktiviteti operacional</b>          |          |                                                       |                                                       |
| Rritja në aktivet neto që i atribuohen mbajtësve të kuotave |          | 4,938,707                                             | 2,059,350                                             |
| Të pagueshme ndaj Shoqërisë Administruese                   | 7        | 62,060                                                | 54,656                                                |
| Të arkëtueshme të tjera                                     | 6        | (996,925)                                             | (955,098)                                             |
| Aktive financiare me kosto të amortizuar                    | 6        | (63,856,418)                                          | (38,703,830)                                          |
| Detyrime të tjera                                           |          | 23,152                                                | 3,300                                                 |
| <b>Rrjedha e parasë neto nga aktiviteti operacional</b>     |          | <b>(59,829,424)</b>                                   | <b>(37,541,622)</b>                                   |
| <b>Rrjedha e parasë nga aktiviteti financiar</b>            |          |                                                       |                                                       |
| Kontribute nga lëshimi i kuotave                            |          | 72,056,958                                            | 44,156,245                                            |
| Tërheqje e kuotave                                          |          | (1,565,004)                                           | (151,414)                                             |
| <b>Rrjedha e parasë neto nga aktiviteti financiar</b>       |          | <b>70,491,954</b>                                     | <b>44,004,831</b>                                     |
| Rritje në para dhe ekuivalentet e saj                       |          | 10,662,530                                            | 6,463,209                                             |
| Paraja dhe ekuivalentet e saj në fillim të periudhës        |          | 6,651,384                                             | 188,175                                               |
| <b>Paraja dhe ekuivalentet e saj në fund të vitit</b>       | <b>5</b> | <b>17,313,914</b>                                     | <b>6,651,384</b>                                      |

Shënimet shpjeguese në faqet 5-17 janë pjesë e pandarë e këtyre pasqyrave financiare.

**ALBSIG INVEST SHA****FONDI I PENSIONIT PRIVAT ME PJESËMARRJE TË HAPUR SMART PENSION**

Pasqyra e ndryshimeve në aktivet neto për vitin që mbyllet më 31 dhjetor 2025

(Shumat në Lek, përveç nëse shprehet ndryshe)

|                                                             | <b>Numri i<br/>kuotave</b> | <b>Aktivet</b>     | <b>Vlera e<br/>aktiveve<br/>për kuote</b> |
|-------------------------------------------------------------|----------------------------|--------------------|-------------------------------------------|
| <b>Gjendja më 31 dhjetor 2023</b>                           | <b>17,052</b>              | <b>17,814,582</b>  | <b>1,045</b>                              |
| Kontribute në kuota gjatë vitit                             | 41,015                     | 44,156,245         | 1,077                                     |
| Tërheqje nga fondi                                          | (141)                      | (151,414)          | 1,074                                     |
| Fitimi neto nga investimet                                  |                            | 2,059,350          |                                           |
| Rritja në aktivet neto që i atribuohen mbajtësve të kuotave | 40,874                     | 46,064,181         | 1,127                                     |
| <b>Gjendja më 31 dhjetor 2024</b>                           | <b>57,926</b>              | <b>63,878,763</b>  | <b>1,103</b>                              |
| Kontribute në kuota gjatë vitit                             | 63,716                     | 72,056,958         | 1,131                                     |
| Tërheqje nga fondi                                          | (1,390)                    | (1,565,004)        | 1,126                                     |
| Fitimi neto nga investimet                                  |                            | 4,938,707          |                                           |
| Rritja në aktivet neto që i atribuohen mbajtësve të kuotave | 62,326                     | 75,430,661         | 1,210                                     |
| <b>Aktivet neto që i atribuohen mbajtësve të kuotave</b>    | <b>120,252</b>             | <b>139,309,424</b> | <b>1,158</b>                              |
| <b>Gjendja më 31 dhjetor 2025</b>                           | <b>120,252</b>             | <b>139,309,424</b> | <b>1,158</b>                              |

Shënimet shpjeguese në faqet 5-17 janë pjesë e pandarë e këtyre pasqyrave financiare.

## **ALBSIG INVEST SHA**

### **FONDI I PENSIONIT PRIVAT ME Pjesëmarrje të Hapur Smart Pension**

---

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

#### **1. Informacion i përgjithshëm**

Fondi i Pensionit Privat me Pjesëmarrje të Hapur “Smart Pension” (tani e tutje do i referohemi si “Fondi”) u krijua në përputhje me kërkesat e Ligjit nr. 76/2024, “Për Fondet e Pensionet Privat” (tani e tutje do i referohemi si “Ligji”) dhe u licencua nga Autoriteti i Mbikëqyrjes Financiare (tani e tutje do i referohemi si “AMF”), me vendim nr. 96, datë 28.04.2022.

Shoqëria Administruese e Fondeve të Pensionit Privat dhe Sipërmarrjeve të Investimeve Kollective është Albsig Invest sh.a., (tani e tutje do i referohemi si “Shoqëria Administruese”), e cila është një shoqëri aksionare, e themeluar në tetor të vitit 2019, dhe e licencuar nga AMF, me vendimin numër 210, datë 22 nëntor 2019.

Adresa e regjistruar e Shoqërisë Administruese dhe e Fondit është Bulevardi “Bajram Curri”, Albsig HQ, Kati 16, Tiranë, Shqipëri.

Fondi i Pensionit “Smart Pension” u krijua nëpërmjet kontributeve në kuota nga të gjithë anëtarët e tij, dhe zotërohet plotësisht nga ata kontribuues mbajtës të kuotave. Fondi investon kryesisht në letra me vlerë të emtuara nga Qeveria Shqiptare.

Banka Kombëtare Tregtare është banka depozitare e Fondit e miratuar nga AMF. Banka depozitare bazuar në kërkesat e Ligjit, bën të mundur ruajtjen e aktiveve të Fondit në përputhje me kërkesat e Shoqërisë Administruese.

#### **2. Bazat e përgatitjes**

##### **a) Deklarata e përputhshmërisë**

Këto pasqyra financiare janë përgatitur në përputhje me Standardet Ndërkombëtare të Raportimit Financiar (“SNRF”) dhe interpretimet e përshtatura nga Bordi i Standardeve Ndërkombëtare të Kontabilitetit (BSNK). Ato u autorizuan për lëshim nga Këshilli i Administrimit të i Fondit më 30 prill 2026.

##### **b) Bazat e matjes**

Pasqyrat financiare janë përgatitur mbi bazën e kostos historike, me përjashtim të aktiveve financiare të mbajtura me vlerën e drejtë, të cilat maten në vlerën e drejtë nëpërmjet fitimit dhe humbjes.

##### **c) Monedha funksionale dhe ajo e prezantimit**

Pasqyrat financiare janë paraqitur në monedhën shqiptare “Lek”, që është monedha funksionale dhe prezantuese e fondit dhe të gjitha vlerat janë të shprehura në Lek përveç se kur është shprehur ndryshe.

Monedha funksionale është monedha e ambientit primar ekonomik në të cilin Fondi vepron.

Investimet dhe veprimet e Fondit kryhen në Lek. Shpenzimet (duke përfshirë tarifat për Shoqërinë Administruese, Bankën Depozitare dhe të tjera) kryhen në Lek. Për rrjedhojë Këshilli i Administrimit ka përcaktuar Lekun si monedhën funksionale të Fondit.

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

## **2. Bazat e përgatitjes (vazhdim)**

### **d) Parimi i vijimësisë**

Këto pasqyra financiare janë përgatitur mbi bazën e parimit të vijimësisë dhe nuk përfshijnë ndonjë rregullim të vlerës kontabël dhe klasifikimit të aktiveve, detyrimeve dhe të ardhurave e shpenzimeve të raportuara që përndryshe mund të kërkohen nëse baza e parimit të vijimësisë nuk do të ishte e përshtatshme.

Drejtimi i Fondit beson se ka aktive të mjaftueshme dhe se ka marrë të gjitha masat e nevojshme për të siguruar qëndrueshmëri dhe zhvillim të biznesit në kushtet aktuale.

### **e) Gjykimet kontabël dhe vlerësimet**

Përgatitja e pasqyrave financiare, kërkon që drejtimi të bëjë gjykime, vlerësime dhe supozime që ndikojnë në aplikimin e politikave kontabël dhe në vlerën e mbartur të aktiveve dhe detyrimeve, si edhe të ardhurave dhe shpenzimeve. Rezultatet aktuale mund të ndryshojnë nga ato të vlerësuara. Vlerësimet dhe supozimet e lidhura me to rishikohen në mënyrë të vazhdueshme. Rishikimet e vlerësimeve kontabël njihen në periudhën kur këto vlerësime rishikohen dhe gjithashtu në periudhat e ardhshme nëse ato ndikohen.

## **3. Politikat kontabël të rëndësishme**

**Standardet dhe interpretimet e mëposhtme zbatohen për herë të parë në periudhat e raportimit financiar që fillojnë më ose pas 1 Janarit 2025:**

Disa standarde të cilat janë bërë efektive nga 1 janar 2025 dhe rrjedhimisht kanë hyrë në fuqi, nuk kanë ndikim të rëndësishëm në rezultatin apo pozicionin financiar të Shoqërisë.

Këto ndryshime nuk kanë një ndikim të rëndësishëm në këto Pasqyra Financiare dhe për këtë arsye shpалosjet nuk janë bërë.

### **a) Standardet e reja që mund të adoptohen më herët**

- Mungesa e shkëmbyeshmërisë (Ndryshimet në SNK 21)

### **b) Standarde dhe interpretime të reja, ende të paadoptuara**

- Ndryshime në Klasifikimin dhe Matjen e Instrumenteve Financiare (Ndryshime në SNRF 9 dhe 7)
- SNRF 18 "Prezantimi dhe shpалosja në pasqyrat financiare"
- SNRF 19 'Filiale pa Përgjegjësi Publike: Dhënia e informacioneve shpjeguese

Këto ndryshime nuk pritet të kenë një ndikim të rëndësishëm në pasqyrat financiare në periudhën e aplikimit fillestar dhe për këtë arsye shpалosjet nuk janë bërë.

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

### **3. Politikat kontabël te rëndësishme (vazhdim)**

#### **a. Transaksionet në monedhë të huaj**

Transaksionet në monedhë të huaj konvertohen në Lek me kurset e këmbimit në datën e transaksioneve. Aktivet dhe detyrimet jo-monetare të mbajtura në monedhë të huaj në datën e raportimit nuk rivlerësohen në fund vit dhe maten me koston e tyre historike (konvertuar në monedhën funksionale me kursin e asaj date) përveç, aktiveve dhe detyrimeve jo-monetare të matura me vlerën e tregut të cilat konvertohen në monedhën funksionale me kursin e datës kur u përcaktua vlera e tyre e tregut.

Fitimi apo humbja nga kurset e këmbimit, që rezulton nga kryerja e transaksioneve të tilla si dhe nga përkthimi i aktiveve dhe detyrimeve monetare të mbajtura në monedhë të huaj, njihet në fitim ose humbje, përveç instrumenteve financiare që mbahen me VDFH, të cilat njihen si një komponent i të ardhurës neto nga instrumentet financiare në VDFH.

#### **b. Instrumentet financiare**

##### **i. Njohja dhe matja fillestare**

Fondi fillimisht njihet në mënyrë të rregullt, transaksionet me aktivet financiare dhe detyrimet financiare në vlerën e drejtë nëpërmjet fitim humbjes (“VDFH”) në datën e tregtimit, e cila është data kur Fondi bëhet palë kontraktuale e instrumentit. Aktivet e tjera financiare dhe detyrimet financiare njihen në datën në të cilën ato krijohen.

Një aktiv financiar ose një detyrim financiar matet në fillim me vlerën e drejtë plus koston e transaksionit në rastin e elementëve të përcaktuar jo me VDFH, që i ngarkohen drejtpërdrejtë blerjes ose emetimit të tij.

##### **ii. Klasifikimi dhe matja e mëpasshme**

##### **Klasifikimi i aktiveve financiare**

Në njohjen fillestare, aktivi financiar klasifikohet si i matur me koston e amortizuar ose me VDFH. Një aktiv financiar matet me koston e amortizuar nëse përmbush njëkohësisht dy kushtet si më poshtë si edhe nuk është i destinuar me VDFH:

- mbahet në një model biznesi i cili ka për qëllim të mbaj aktivet për të mbledhur flukset e parasë; dhe
- rrjedha e parasë, lind në data të përcaktuara, sipas kushteve kontraktuale, të cilat janë, vetëm pagesa principali dhe interesit (VPPI).

Të gjitha aktivet e tjera financiare të Fondit maten me VDFH.

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

### **3. Politikat kontabël të rëndësishme (vazhdim)**

#### **c. Instrumentet financiare (vazhdim)**

##### **Vlerësimi i modelit të biznesit**

Në gjykimin e tij mbi vlerësimin e objektivave të modelit të biznesit në të cilin mbahet një aktiv, Fondi merr parasysh të gjithë informacionin relevant mbi mënyrën se si biznesi po administrohet duke përfshirë:

- politikat dhe objektivat e përcaktuara të portofolit dhe zbatimi i tyre në praktikë. Në veçanti, nëse strategjia e drejtimit fokusohet në përfitimin e të ardhurave kontraktuale nga interesi, mbajtjen e një profili të veçantë të normës së interesit, përputhjen e kohëzgjatjes së aktiveve financiare me kohëzgjatjen e detyrimeve që financojnë këto aktive ose realizimin e flukseve monetare nëpërmjet shitjes së aktiveve;
- rreziqet që ndikojnë në performancën e modeleve të biznesit;
- frekuencën, volumin dhe kohën e shitjeve në periudhat e kaluara.

Fondi ka dy modele biznesi.

*Modeli i biznesit mbajtje deri në mbledhje:* ky model përfshin paranë dhe ekuivalentet e saj, aktive financiare të mbajtura me kosto të amortizuar dhe të arkëtueshme. Këto aktive financiare mbahen në mënyrë që të mblidhen flukset kontraktuale të parasë.

*Model tjetër biznesi:* kjo përfshin letrat me vlerë të qeverisë shqiptare dhe bonot e thesarit. Këto aktive financiare menaxhohen dhe performanca e tyre vlerësohet, mbi bazën e vlerës së drejtë, meqenëse ndodh shpesh tregtimi i tyre në treg.

##### **Riklasifikimet**

Aktivet financiare nuk riklasifikohen pas njohjes së tyre fillestare, përveç nëse Fondi ndryshon modelin e tij të biznesit për menaxhimin e aktiveve financiare. Në këtë rast të gjithë aktivet financiare që ndikohen, do të riklasifikohen në datën e parë në periudhën e parë raportuese që vijon ndryshimin e modelit të biznesit.

#### **Matja e mëpasshme e aktiveve financiare**

##### **Aktivet financiare me VDFH**

Këto aktive financiare maten më pas me vlerën e drejtë. Fitimet ose humbjet neto, duke përfshirë të ardhura ose shpenzime nga interesi, ose kurset e këmbimit, njihen në fitim humbje, në të ardhura neto nga instrumentet financiare në VDFH, në pasqyrën e të ardhurave dhe shpenzimeve.

##### **Aktivet financiare me kosto të amortizuar**

Këto aktive maten më pas me kosto të amortizuar duke përdorur metodën e interesit efektiv. Të ardhurat nga interesi njihen në të ardhura nga interesi sipas metodës së interesit efektiv, fitim humbjet nga kurset e këmbimit njihen në fitim humbje neto nga kurset e këmbimit, dhe humbjet nga zhvlerësimi njihen në humbje nga zhvlerësimi i instrumenteve financiare në pasqyrën e të ardhurave dhe shpenzimeve. Çdo fitim ose humbje në njohjen fillestare gjithashtu njihet në fitim humbje. Letrat me vlerë të Qeverisë Shqiptare dhe paraja dhe ekuivalentet e saj përfshihen në këtë kategori.

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

### **3. Politikat kontabël të rëndësishme (vazhdim)**

#### **c. Instrumentet financiare (vazhdim)**

##### **Detyrimet financiare – Klasifikimi, matja e mëpasshme dhe fitim ose humbjet**

Detyrimet financiare klasifikohen dhe maten me kosto të amortizuar ose në VDFH. Një detyrim financiar klasifikohet si VDFH nëse ai klasifikohet si i mbajtur për tregtim, nëse ai është një derivativ ose nëse është i destinuar si i tillë në njohjen fillestare. Detyrimet financiare në VDFH maten me vlerën e drejtë dhe fitim humbjet neto, duke përfshirë edhe ndonjë interes, njihen në pasqyrën e të ardhurave dhe shpenzimeve.

Detyrime të tjera financiare maten më pas me kosto të amortizuar duke përdorur metodën e interesit efektiv. Shpenzimet nga interesat dhe fitim ose humbjet nga kursi i këmbimit njihen në pasqyrën e të ardhurave dhe shpenzimeve. Çdo fitim ose humbje nga ç'regjistrimi njihet po ashtu në pasqyrën e të ardhurave ose shpenzimeve.

##### **Detyrimet financiare me VDFH**

Këto janë instrumente financiare të mbajtur për tregtim.

##### **Detyrimet financiare me kosto të amortizuar**

Këto janë detyrimet me Shoqërinë Administruese, Bankën Depozitare dhe detyrime të tjera.

#### **iii. Matja e vlerës së drejtë**

‘Vlera e drejtë’ është çmimi që do të arkëtohej nga shitja e një aktivi ose që do të paguhej për të transferuar një detyrim në një transaksion të rregullt midis pjesëmarrësve të tregut, në datën e matjes në një treg kryesor ose, në mungesë të tij, në tregun më të favorshëm tek i cili Fondi ka qasje në atë datë.

Kur është e mundur, Fondi mat vlerën e drejtë të një instrumenti duke përdorur çmimin e kuotuar në një treg aktiv për atë instrument. Një treg quhet “aktiv”, në qoftë se transaksionet për aktivin ose detyrimin ndodhin me frekuencë dhe vëllim të mjaftueshëm për të siguruar informacion mbi çmimet në vazhdimësi.

Nëse nuk disponohet një kuotim çmimi në një treg aktiv, atëherë Fondi përdor teknika vlerësimi që maksimizojnë përdorimin e të dhënave të vrojtueshme dhe minimizojnë përdorimin e të dhënave jo të vrojtueshme. Teknika e zgjedhur përmbledh të gjithë faktorët që pjesëmarrësit e tregut do të marrin në konsideratë për përcaktimin e çmimit të një transaksioni.

Fondi mat vlerën e drejtë duke përdorur hierarkinë e mëposhtme të vlerave të drejta që pasqyron rëndësinë e përdorimit të faktorëve në këto matje:

- Niveli 1: Faktorë që janë të kuotuar me çmime tregu në tregje aktive të instrumenteve identike;
- Niveli 2: Faktorë të tjerë nga ato të kuotuar me çmime tregu sipas Nivelit 1, dhe që janë të vëzhgueshëm ose drejtpërdrejt (nëpërmjet çmimeve) ose jo në mënyrë të drejtpërdrejte (nëpërmjet çmimeve të përcaktuara);
- Niveli 3: Faktorë që janë të pavëzhgueshëm. Në këtë kategori përfshihen të gjithë instrumentet financiare për të cilët teknikat e vlerësimit përfshijnë faktorë që nuk bazohen në të dhëna të vëzhgueshme dhe të cilët kanë një ndikim të rëndësishëm në vlerësimin e instrumentit.

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

### **3. Politikat kontabël të rëndësishme (vazhdim)**

#### **c. Instrumentet financiare (vazhdim)**

##### **Instrumentet financiare jo me vlerë të drejtë**

Instrumentet financiare që nuk maten me VDFH përfshijnë:

- Paraja dhe ekuivalentet e saj, detyrime të tjera. Këto janë aktive financiare dhe detyrime financiare afatshkurtra, vlera kontabël e të cilave është afërsisht e njëjtë me vlerën e drejtë, për shkak të natyrës së tyre afatshkurtër si edhe cilësinë e lartë të aftësisë paguese së tyre; dhe
- Asetet financiare të mbajtura me kosto të amortizuar. Këto aktive financiare të cilat mbahen për t'u mbledhur, maten me koston e amortizuar.
- Aktivitet neto që i atribuohen mbajtësve të kuotave. Fondi lëshon dhe ripaguan në rutinën e tij kuotat e mbajtësve në një shumë që është e njëjtë me porcionin e tyre në aktivitet neto të Fondit në kohën që ato tërhiqen, dhe llogariten mbi bazë konsistente me atë të përdorur në pasqyrat financiare. Rrjedhimisht, vlera kontabël e aktiveve neto që i atribuohen mbajtësve të kuotave është afërsisht e njëjtë me vlerën e drejtë.

#### **iv. Matja e vlerës së amortizuar**

“Kostoja e amortizuar aktiveve financiare ose detyrimeve financiare është shuma në të cilën aktivi financiar ose detyrimi financiar matet në njohjen fillestare pasi janë zbritur ripagesat e principalit, ose amortizimi i akumuluar duke përdorur metodën e interesit efektiv për ndonjë diferencë midis vlerës fillestare dhe vlerës në maturim, dhe për aktivitet financiare të rregulluar për ndonjë zhvlerësim.

#### **v. Zhvlerësimi**

Fondi njeh një zhvlerësim për humbjet e pritshme të kredisë (“HPK”) për aktivitet financiare të njohura me koston e amortizuar. Për të përcaktuar nëse rreziku i kredisë për një aktiv financiar është rritur në mënyrë të rëndësishme që prej njohjes fillestare të tij, dhe kur vlerëson HPK, Fondi merr parasysh informacionet mbështetëse dhe të arsyeshme dhe që janë relevant dhe të gatshme pa shume kosto dhe punë shtesë. Kjo përfshin analizim të informacionit cilësor dhe sasior, duke u bazuar në historikun dhe eksperiencën e Fondit si edhe duke përfshire informacione të cilat i përkasin të ardhmes. Fondi supozon se rreziku i kredisë të një aktivi financiar rritet në mënyrë të rëndësishme në rast se ai shfaqet më shumë se 30 ditë në vonesë.

Fondi konsideron si aktive financiare me rrezik të ulët në rastet kur rreziku i kredisë të kundërpatisë është i listuar si BBB+ nga agjenci të mirënjohura të vlerësimit si Standard and Poor’s, ose kur aktivitet financiare lëshohen nga Qeveria Shqiptare ose nga Banka e Shqipërisë.

Fondi nuk ka identifikuar dhe njohur zhvlerësim për aktivitet financiare më 31 dhjetor 2025.

#### **vi. Ç’regjistrimi**

Një aktiv financiar ç’regjistrohet kur të drejtat kontraktuale mbi flukset e parasë nga aktivi financiar kanë mbaruar, ose kur Fondi transferon të drejtat për të marrë flukset e parasë në një transaksion në të cilin në mënyrë të qenësishme të gjitha rreziqet dhe përfitimet nga pronësia e aktivitet financiar janë transferuar ose në të cilin Fondi as nuk ka transferuar dhe as nuk ka mbajtur të gjitha rreziqet dhe përfitimet nga pronësia dhe nuk ushtron kontroll mbi aktivitet financiar.

Në njohje të një aktivi financiar, ndryshimi midis vlerës së mbartur të aktivitet dhe vlerës së dhënë njihet në pasqyrën e fitim humbjes.

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

### **3. Politikat kontabël të rëndësishme (vazhdim)**

#### **c. Paraja dhe ekuivalentet me to**

Paraja dhe ekuivalentet e saj përfshijnë mjete monetare në llogari rrjedhëse në banka dhe mjete të tjera likuide me maturitet jo më shumë se tre muaj nga data e mbajtjes të cilat mund të jenë subjekt i ndryshimeve jo të rëndësishme në vlerën e tregut dhe që përdoren nga Fondi në menaxhimin e angazhimeve afatshkurtra.

#### **d. Të ardhura dhe shpenzime nga interesi**

Të ardhura dhe shpenzime nga interesi të paraqitura në pasqyrën e të ardhurave dhe shpenzimeve përfshijnë interesin mbi aktivet financiare dhe detyrimet financiare të matur me kosto të amortizuar duke përdorur metodën e interesit efektiv.

Interesi efektiv llogaritet në njohjen fillestare të një instrumenti financiar si norma që skonton flukset e ardhshme të pagueshme ose të arkëtueshme përgjatë jetës së pritshme të instrumentit financiar në:

- vlerën bruto të aktivitetit financiar; ose
- vlerën me kosto të amortizuar të detyrimit financiar.

Në llogaritjen e të ardhurave dhe shpenzimeve nga interesi, metoda e interesit efektiv aplikohet mbi vlerën bruto të aktivitetit (në rast se aktiviteti nuk është i zhvlerësuar) ose mbi koston e amortizuar të detyrimit financiar.

#### **e. Shpenzime nga tarifa dhe komisione**

Shpenzime nga tarifa dhe komisione janë njohur në pasqyrën e të ardhurave dhe shpenzimeve përgjatë kohës së kryerjes së shërbimit.

#### **f. Tarifa për Shoqërinë Administruese**

Fondi duhet t'i paguajë Shoqërisë Administruese një tarifë prej 1.5% të aktiveve neto për periudhën janar-shtator 2025 dhe 1.2% periudhën tetor-dhjetor 2025, e cila njihet në pasqyrën e të ardhurave dhe shpenzimeve përgjatë kohës së kryerjes së shërbimit.

#### **g. Tatimi mbi fitimin**

Sipas sistemit tatimor në Shqipëri, Fondi është i përjashtuar nga tatimi mbi fitimin.

#### **h. Amortizimi i primit për aktivet me kosto të amortizuar**

Amortizimi i primit për aktivet me kosto të amortizuar përfshin të gjithë të ardhurat nga primi i aktiveve me kosto të amortizuar.

#### **i. Vlera neto e aktiveve të fondit**

Vlera neto e aktiveve të fondit është e barabartë me totalin e aktiveve minus detyrimet e Fondit.

#### **j. Vlera e kuotës së Fondit të Pensionit Smart Pension**

Vlera e kuotës është e barabartë me vlerën e aktiveve neto të Fondit pjesëtuar me numrin e kuotave në datën e raportimit. Vlera fillestare e kuotës ka qenë e barabartë me 1,000 Lek në përputhje me politikën e Fondit.

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

### **3. Administrimi i rrezikut financiar**

#### **a. Kuadri për administrimin e rrezikut financiar**

Fondi investon në instrumente financiare në përputhje me strategjinë e tij të investimit. Portofoli i Fondit “Smart Pension” përfshin letra me vlerë të Qeverisë Shqiptare. Kështu Fondi është i ekspozuar ndaj këtyre rreziqeve nga instrumentet financiare:

- rreziku i kredisë;
- rreziku i likuiditetit;
- rreziqet e tregut; dhe
- rreziku operacional.

#### **b. Rreziku i kredisë**

Rreziku i kredisë është rreziku i humbjes financiare të Fondit nëse një klient ose një palë tjetër e një instrumenti financiar nuk arrin të përmbushë detyrimet e tij kontraktuale, pjesërisht ose plotësisht gjë që sjell efekt negativ në aktivet e Fondit.

Politika e Fondit mbi rrezikun e kredisë është minimizimi i ekspozimit të tij ndaj palëve të cilat janë të perceptuara si me rrezik të lartë, dhe të ketë marrëdhënie vetëm me palë të cilat përmbushin standardet e kredisë sipas politikës së investimit të Fondit.

Rreziku i kredisë për investimet në Obligacione të Qeverisë Shqiptare, lidhet ngushtësisht me gjendjen e Qeverisë Shqiptare. Rreziku i kredisë tradicionalisht është vlerësuar si i ulët për letrat me vlerë të qeverisë krahasuar me letra të tjera me vlerë.

Të gjitha veprimet kryhen nëpërmjet Bankës Depozitare, e cila është e aprovuar nga AMF.

Investimet e Fondit janë detajuar si më poshtë: Instrumente të matura me kosto të amortizuar, pa vonesa dhe të pazhvlerësuar.

|                        | <u>31 dhjetor 2025</u> | <u>31 dhjetor 2024</u> |
|------------------------|------------------------|------------------------|
| Obligacione Qeveritare | 119,713,989            | 55,857,571             |
| <b>Totali</b>          | <b>119,713,989</b>     | <b>55,857,571</b>      |

#### **c. Rreziku i likuiditetit**

Rreziku i likuiditetit është rreziku që Fondi mund të mos jetë në gjendje të gjenerojë burime të mjaftueshme monetare për të shlyer plotësisht detyrimet e tij ose mund t'i shlyejë në kushte të cilat janë materialisht jo të favorshme.

Politika e Fondit në menaxhimin e likuiditetit është të sigurojë, sa të jetë e mundur, se gjithmonë do të ketë likuiditet të mjaftueshëm për të përmbushur detyrimet kur është e nevojshme, nën kushte normale dhe tensioni, duke përfshirë edhe shlyerjet e vlerësuar të kuotave, pa shkaktuar papranueshmëri humbje ose duke rrezikuar dëmtimin e reputacionit të Fondit.

Aktivitetet financiare të Fondit përfshijnë Obligacione të Qeverisë Shqiptare të mbajtura me kosto të amortizuar dhe pesha e tyre do ndryshojë në varësi të kushteve të tregut si edhe politikës dhe strategjisë së investimit të Shoqërisë Administruese.

**ALBSIG INVEST SHA****FONDI I PENSIONIT PRIVAT ME PJESËMARRJE TË HAPUR SMART PENSION**

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

**4. Administrimi i rrezikut financiar (vazhdim)****c. Rreziku i likuiditetit (vazhdim)**

Aktivitet dhe detyrimet financiare sipas maturitetit të tyre më 31 dhjetor 2025 janë si vijon:

| <b>Aktivitet</b>                         | <b>31 dhjetor<br/>2025</b> | <b>Deri në 3<br/>muaj</b> | <b>3-6 muaj</b> | <b>6-12<br/>muaj</b> | <b>1-5 vjet</b> | <b>&gt;5 vjet</b> |
|------------------------------------------|----------------------------|---------------------------|-----------------|----------------------|-----------------|-------------------|
| Paraja dhe ekuivalentet e saj            | 17,313,914                 | 17,313,914                | -               | -                    | -               | -                 |
| Aktive financiare me kosto të amortizuar | 119,713,989                | -                         | -               | -                    | -               | 119,713,989       |
| Llogari të arkëtueshme                   | 2,446,054                  | 2,446,054                 | -               | -                    | -               | -                 |
| <b>Totali</b>                            | <b>139,473,957</b>         | <b>19,759,968</b>         | -               | -                    | -               | -                 |
| <b>Detyrimet</b>                         |                            |                           | -               | -                    | -               | -                 |
| Të pagueshme ndaj Shoqërisë              |                            |                           |                 |                      |                 |                   |
| Administruese                            | 138,081                    | 138,081                   | -               | -                    | -               | -                 |
| Detyrime të tjera                        | 26,452                     | 26,452                    | -               | -                    | -               | -                 |
| <b>Totali</b>                            | <b>164,533</b>             | <b>164,533</b>            | -               | -                    | -               | -                 |
| <b>Pozicioni neto</b>                    | <b>139,309,424</b>         | <b>19,595,435</b>         | -               | -                    | -               | -                 |

Aktivitet dhe detyrimet financiare sipas maturitetit të tyre më 31 dhjetor 2024 janë si vijon:

| <b>Aktivitet</b>                         | <b>31 dhjetor<br/>2024</b> | <b>Deri në 3<br/>muaj</b> | <b>3-6 muaj</b> | <b>6-12<br/>muaj</b> | <b>1-5 vjet</b> | <b>&gt;5 vjet</b> |
|------------------------------------------|----------------------------|---------------------------|-----------------|----------------------|-----------------|-------------------|
| Paraja dhe ekuivalentet e saj            | 6,651,384                  | 6,651,384                 | -               | -                    | -               | -                 |
| Aktive financiare me kosto të amortizuar | 55,857,571                 | -                         | -               | -                    | -               | 55,857,571        |
| Llogari të arkëtueshme                   | 1,449,129                  | -                         | -               | -                    | -               | 1,449,129         |
| <b>Totali</b>                            | <b>63,958,084</b>          | <b>6,651,384</b>          | -               | -                    | -               | <b>57,306,700</b> |
| <b>Detyrimet</b>                         | -                          | -                         | -               | -                    | -               | -                 |
| Të pagueshme ndaj Shoqërisë              |                            |                           |                 |                      |                 |                   |
| Administruese                            | 76,021                     | 76,021                    | -               | -                    | -               | -                 |
| Detyrime të tjera                        | 3,300                      | 3,300                     | -               | -                    | -               | -                 |
| <b>Totali</b>                            | <b>79,321</b>              | <b>79,321</b>             | -               | -                    | -               | -                 |
| <b>Pozicioni neto</b>                    | <b>63,878,763</b>          | <b>6,572,063</b>          | -               | -                    | -               | <b>57,306,700</b> |

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

#### **4. Administrimi i rrezikut financiar (vazhdim)**

##### **d. Rreziku i tregut**

Rreziku i tregut zhvillohet si pasojë e ndryshimeve në:

- a) normat e interesit,
- b) kurset e këmbimit.

Rritja e normave të interesit sjell ulje të vlerës së instrumentit financiar, dhe ulja e normave sjell rritje të vlerës së instrumentit financiar. Shoqëria Administruese, menaxhon rrezikun nga normat e interesit duke zbatuar parimin e menaxhimit të aseteve sipas detyrimeve. Duke u nisur nga fakti që detyrimet e Fondit janë në përgjithësi afatgjatë, Fondi përpiket që të investojë në instrumente afatgjatë.

Luhatjet në kurset e këmbimit sjellin luhatje edhe në vlerën e aktiveve të konvertuara në monedhën vendase Lek. Fondi megjithëse ka parashikuar në alokimin e tij letra me vlerë në monedhë të huaj, alokimi strategjik në to është zero. Tabela e mëposhtme paraqet ndikimin mbi të ardhurat neto nga interesi në Lek, si pasojë e ndryshimit në normën e interesit prej +/-100bp për portofolin e aktiveve financiare të mbajtura me kosto të amortizuara:

|           | <u>31 dhjetor 2025</u>   | <u>31 dhjetor 2024</u>   |
|-----------|--------------------------|--------------------------|
| Skenari   | Efekti ne fitim/(humbje) | Efekti ne fitim/(humbje) |
| +/- 100bp | <u>+/-11,465,166</u>     | <u>+/-4,918,665</u>      |

##### **e. Rreziku operacional**

'Rreziku operacional' është rreziku i ndodhjes të një humbjeje direkte ose jo-direkte që mund të lindë si pasojë e një sërë shkaqesh që shoqërojnë procese të tilla si teknologjia dhe infrastruktura që mbështet veprimtarinë e Fondit me instrumentet financiare, qoftë së brendshmi në Fond apo së jashtëmi me ata që i ofrojnë shërbime Fondit, dhe nga faktorë të jashtëm të tjerë nga rreziku i kredisë, i tregut apo i likuiditetit, të tillë si ato që lindin nga kërkesat ligjore dhe rregullatorë dhe standardet e gjithë pranuar të sjelljes së investimeve.

Qëllimi i Fondit është të administrojë rrezikun operacional në mënyrë të tillë që të baraspeshojë kufizimet në humbje financiare dhe dëmtimit të reputacionit me arritjen e qëllimit të investimeve për të prodhuar kthim ndaj investitorëve. Shumica e aktiveve të Fondit ruhen nga Banka Depozitare që është Banka Kombëtare Tregtare.

Shoqëria Administruese ndërton sisteme kontrolli të brendshme dhe procedura duke parandaluar rrezikun e humbjeve të Fondit të shkaktuara nga gabime njerëzore ose të sistemeve brenda Shoqërisë Administruese, nga ekzistenca e proceseve të brendshme të papërshtatshme, nga gabime ligjore ose të dokumentacionit, si dhe nga procedurat e tregtimit, të vlerësimit dhe pagesave në emër të Fondit. Shoqëria për të administruar Fondin përdor një sistem operative i cili është ndërtuar duke respektuar parimin e 4 (katër) syve.

Gjithashtu Banka Depozitare kontrollon aktivitetin e investimeve dhe të transaksioneve me anëtarët (kontributet dhe shlyerjet).

**ALBSIG INVEST SHA****FONDI I PENSIONIT PRIVAT ME PJESËMARRJE TË HAPUR SMART PENSION**

Shënimet shpjeguese për pasqyrat financiare për vitin që mbyllet më 31 dhjetor 2025  
(Shumat në Lek, përveç nëse shprehet ndryshe)

**5. Paraja dhe ekuivalentet e saj**

Paraja dhe ekuivalentet e saj maten me koston e amortizuar ne pasqyrat financiare dhe përbëhen si vijon:

|                           | <u>31 dhjetor 2025</u>   | <u>31 dhjetor 2024</u>  |
|---------------------------|--------------------------|-------------------------|
| Paraja tek bankat         | 912,804                  | 120,809                 |
| Depozita                  | 16,400,000               | 6,530,000               |
| Interesi i përlllogaritur | 1,110                    | 575                     |
| <b>Totali</b>             | <b><u>17,313,914</u></b> | <b><u>6,651,384</u></b> |

Në 2025 depozita konsiston në një depozitë të vendosur pranë Bankës Kombëtare Tregtare me vlerë prej 16,400,000.00 Lekë, me normë interesi prej 2.47% dhe maturim përkatësisht deri më 08 janar 2026.

Në 2024 depozita konsiston në dy depozita të vendosura pranë Bankës Kombëtare Tregtare me vlerë prej 1,400,000.00 Lekë dhe 5,130,000.00 me normë interesi secila prej 2.65% dhe maturim përkatësisht deri më 30 janar 2025 dhe 07 janar 2025.

**6. Aktive financiare me kosto të amortizuar**

Aktive financiare me kosto të amortizuar përbëhen nga letrat me vlerë me Qeverinë Shqiptare.

|                        | <u>31 dhjetor 2025</u>    | <u>31 dhjetor 2024</u>   |
|------------------------|---------------------------|--------------------------|
| Obligacione Qeveritare | 119,713,989               | 55,857,571               |
| <b>Totali</b>          | <b><u>119,713,989</u></b> | <b><u>55,857,571</u></b> |

Vlera e mbartur e aktiveve financiare është si vijon:

| <b>31 dhjetor 2025</b> | <b>Vlera<br/>nominale</b> | <b>Amortizimi<br/>i akumuluar<br/>i primit</b> | <b>Amortizimi<br/>i primit</b> | <b>Vlera e<br/>mbetur</b> | <b>Interesi i<br/>përlllogaritur</b> |
|------------------------|---------------------------|------------------------------------------------|--------------------------------|---------------------------|--------------------------------------|
| Obligacione Qeveritare | 117,500,000               | 2,305,547                                      | (91,557)                       | 119,713,989               | 2,446,054                            |
|                        | <b><u>117,500,000</u></b> | <b><u>2,305,547</u></b>                        | <b><u>(91,557)</u></b>         | <b><u>119,713,989</u></b> | <b><u>2,446,054</u></b>              |
| <b>31 dhjetor 2024</b> | <b>Vlera<br/>nominale</b> | <b>Amortizimi<br/>i akumuluar<br/>i primit</b> | <b>Amortizimi<br/>i primit</b> | <b>Vlera e<br/>mbetur</b> | <b>Interesi i<br/>përlllogaritur</b> |
| Obligacione Qeveritare | 54,600,000                | 1,276,530                                      | (18,959)                       | 55,857,571                | 1,449,129                            |
|                        | <b><u>54,600,000</u></b>  | <b><u>1,276,530</u></b>                        | <b><u>(18,959)</u></b>         | <b><u>55,857,571</u></b>  | <b><u>1,449,129</u></b>              |

## ALBSIG INVEST SHA

### FONDI I PENSIONIT PRIVAT ME PJEËMARRJE TË HAPUR SMART PENSION

Shënimet shpjeguese për pasqyrat financiare për vitin që mbyllet më 31 dhjetor 2025

(Shumat në Lek, përveç nëse shprehet ndryshe)

#### 7. Të pagueshme ndaj Shoqërisë Administruese

Të pagueshme në vlerën 138,081 Lek janë detyrime ndaj Shoqërisë Administruese, të cilat paraqesin vlerën e tarifës së administrimit e përlllogaritur në bazë ditore të Vlerës Neto të Aktiveve të Fondit, si dhe tarifën e penaltetit për tërheqje të parakohshme nga Fondi më 31 dhjetor 2025 (2024:76,021 Lek, detyrime ndaj Shoqërisë Administruese).

#### 8. Detyrime të tjera

|                                                      | <u>31 dhjetor 2025</u> | <u>31 dhjetor 2024</u> |
|------------------------------------------------------|------------------------|------------------------|
| Detyrime ndaj Bankës Depozitare                      | 19,445                 | -                      |
| Detyrime ndaj Autoritetit të Mbikëqyrjes Financiare  | 5,737                  | -                      |
| Detyrime ndaj Drejtorisë së Përgjithshme të Tatimeve | 1,270                  | -                      |
| Detyrime të tjera                                    | -                      | 3,300                  |
| <b>Totali</b>                                        | <b><u>26,452</u></b>   | <b><u>3,300</u></b>    |

#### 9. Të ardhura nga interesi

|                                                                      | <u>Për vitin e mbyllur më<br/>31 dhjetor 2025</u> | <u>Për vitin e mbyllur<br/>më 31 dhjetor 2024</u> |
|----------------------------------------------------------------------|---------------------------------------------------|---------------------------------------------------|
| Të ardhura nga interesi i aktiveve financiare me kosto të amortizuar | 6,336,750                                         | 2,602,010                                         |
| Të ardhura nga interesi i depozitave                                 | 174,315                                           | 49,550                                            |
| Të ardhura nga shitja & maturimi i instrumenteve financiare          | 138                                               | 102                                               |
| Amortizimi i primit të aktiveve me kosto amortizuar                  | (91,557)                                          | (18,959)                                          |
| <b>Totali</b>                                                        | <b><u>6,419,646</u></b>                           | <b><u>2,632,703</u></b>                           |

#### 10. Tarifa e Shoqërisë së Administrimit

Tarifa e Shoqërisë së Administrimit në vlerën 1,408,780 Lek përfaqëson shpenzimin e ndodhur përgjatë periudhës dhe është përlllogaritur si prej 1.5% të aktiveve neto për periudhën janar-shtator 2025 dhe 1.2% periudhën tetor-dhjetor 2025. Ky shpenzim përlllogaritet në bazë ditore (31 dhjetor 2024: 573,265 Lek).

#### 11. Ngjarje pas datës së bilancit

Nuk ka ngjarje pas datës së raportimit që mund të kërkojë rregullim apo pasqyrim të informacionit në pasqyrat financiare të Fondit.

**ALBSIG INVEST SHA**  
**FONDI I PENSIONIT PRIVAT ME PJESEMARRJE TË HAPUR SMART PENSION**

Skedulet suplementare  
 (Shumat në Lek, përveç nëse shprehet ndryshe)

**12. Skedulet suplementare**

**Struktura e investimeve**

| <b>31.12.2025</b>                 | <b>Vlera nominale</b> | <b>Çmimi i blerjes</b> | <b>Interes i përlogaritur</b> | <b>Vlera e mbetur</b> | <b>% ndaj aktivitet</b> |
|-----------------------------------|-----------------------|------------------------|-------------------------------|-----------------------|-------------------------|
| Aktive financiare deri në maturim | 117,500,000           | 119,805,546            | 2,446,054                     | 122,160,043           | 87.59%                  |
| Depozita                          | -                     | -                      | -                             | 16,401,110            | 11.76%                  |
| Llogari rrjedhëse në banka        | -                     | -                      | -                             | 912,804               | 0.65%                   |
|                                   | <b>117,500,000</b>    | <b>119,805,546</b>     | <b>2,446,054</b>              | <b>139,473,957</b>    | <b>100%</b>             |

| <b>31.12.2024</b>                 | <b>Vlera nominale</b> | <b>Çmimi i blerjes</b> | <b>Interes i përlogaritur</b> | <b>Vlera e mbetur</b> | <b>% ndaj aktivitet</b> |
|-----------------------------------|-----------------------|------------------------|-------------------------------|-----------------------|-------------------------|
| Aktive financiare deri në maturim | 54,600,000            | 55,876,530             | 1,449,129                     | 57,306,700            | 89.60%                  |
| Depozita                          | -                     | -                      | -                             | 6,530,575             | 10.21%                  |
| Llogari rrjedhëse në banka        | -                     | -                      | -                             | 120,809               | 0.19%                   |
|                                   | <b>54,600,000</b>     | <b>55,876,530</b>      | <b>1,449,129</b>              | <b>63,958,084</b>     | <b>100%</b>             |

**Fitim (Humbje) të fondit të përealizuara deri më 31 dhjetor 2025**

| <b>Instrumenta financiare</b>          | <b>Vlera e blerjes</b> | <b>Vlera ne datën e raportimit</b> | <b>Amortizimi i primit të aktiveve me kosto amortizuar</b> |
|----------------------------------------|------------------------|------------------------------------|------------------------------------------------------------|
| <b>31.12.2025</b>                      |                        |                                    |                                                            |
| Obligacione qeveritare -tregu primar   | 43,583,156             | 43,597,573                         | 14,417                                                     |
| Obligacione qeveritare -tregu sekondar | 76,222,390             | 76,116,416                         | (105,974)                                                  |
|                                        | <b>119,805,546</b>     | <b>119,713,989</b>                 | <b>(91,557)</b>                                            |

| <b>Instrumenta financiare</b>          | <b>Vlera e blerjes</b> | <b>Vlera ne datën e raportimit</b> | <b>Amortizimi i primit të aktiveve me kosto amortizuar</b> |
|----------------------------------------|------------------------|------------------------------------|------------------------------------------------------------|
| <b>31.12.2024</b>                      |                        |                                    |                                                            |
| Obligacione qeveritare -tregu primar   | 9,477,668              | 9,483,404                          | 5,736                                                      |
| Obligacione qeveritare -tregu sekondar | 46,398,862             | 46,374,167                         | (24,695)                                                   |
|                                        | <b>55,876,530</b>      | <b>55,857,571</b>                  | <b>(18,959)</b>                                            |